

重刊清平縣志

重刊清平縣志

卷四
祭譜暨義舉
公業附

清平縣志

節孝

明已旌

李氏指揮石宣妻宣卒氏年二十四無子守節七十

三歲卒

秦氏石珍妻

王氏失其夫姓名

白氏千戶王雄妻雄卒氏年二十遺子甫週歲誓不

再嫁撫子龔職六十六歲卒

郭氏千戶王保妻保卒氏年二十八無子母黨欲奪

其志誓死不從紡績度日矢節終身

王氏周德妻年二十九德亡撫遺腹子鼎成立姑莫氏性嚴急事之得其歡心學使徐題旌

王氏庠生孫方妻年二十七方卒無子守節終身巡

按毛題旌

卓氏旗軍嚴茂妻年二十茂歿子甫半齡誓死撫孤巡撫毛題旌

國朝已旌

范氏胡鎮國妻

劉氏庠生孫有謨妻

劉氏庠生丁爲彥妻

李氏王世墳妻

按以上節孝舊稿均略其事實祇載青年守節今
無所考從之

盧氏王純修妻年二十歸修二十四修歿氏哀毀不
欲生因翁姑在堂幼子在抱氏矢志守節家甚貧
勤女紅孝養二十餘年翁姑相繼歿竭力喪葬撫
幼子遊泮守節三十七年乾隆四十年奉

旌

王氏劉暄妻年十八歸暄居九年暄歿姑八十三歲

家素貧氏親操井臼奉養無缺及歿盡哀禮方夫
歿時遺三子長四歲次二歲三甫八月氏鞠育辛
勤送師課讀歲時賴紡績爲脩脯費後三子次第
列膠庠守節三十四年乾隆四十五年奉

旌

余氏庠德泰妻年二十歸泰三十泰歿翁姑年老氏
色養不衰翁歿哀禮兼盡姑病久卧床氏日夕躬
親湯藥號泣不輟志堅節苦乾隆五十五年撫憲

額題

旌

余氏庠生雷熙妻年十五適熙生子二翁歿姑存氏
侍熙送死養生均盡禮已而熙歿氏奉媚姑撫幼
子賴鍼術生活累黨憐之嘉慶十四年撫憲鄂題

旌

顧氏余培妻年十五歸培生子二長廷相次廷佐女
一培歿氏年二十食貧茹苦孝養翁姑無稍倦洎
翁姑歿哀禮交至訓課二子俱遊泮嘉慶十四年
撫憲鄂題

旌

雷氏羅問妻年十七歸問生子家鵬甫數月間歿時

翁姑年邁四壁蕭然氏紡績奉養越五年家鵬天
折撫姪家藻翁歿喪葬維謹姑卧病氏侍湯藥夜
焚香禱祝願以身代尋獲痊及歿喪葬悉如翁守
節五十一年嘉慶十四年巡撫鄂題

旌

孫氏張昺繼妻也年十八歸昺未及年而昺歿服闋
歸寧父母勸再醮氏痛哭而返自此絕跡母家撫
昺前妻之子遊泮子歿遺孫男五女二復撫孫成
名畢婚嫁卒年七十九嘉慶十四年撫憲鄂題

旌

程氏顧汝妻年十九汝亡子宗淮生數月氏矢志終
守卒年七十嘉慶十四年撫憲鄂題

旌

孫氏王嘉梅妻年十六適梅生子二女一二十七歲
梅卒貧無立錫翁姑年邁並喪明行其坐卧氏悉
扶持之醫藥諸費紡績供給無少缺嘉慶十四年
撫憲鄂題

旌

夏氏吳自湘妻十四歲歸湘生子學聖湘歿氏年二
十翁姑在堂奉養惟謹及歿哀禮備至子學聖尋

卒撫幼孫成名守節五十三年嘉慶十四年撫憲
鄂題

旌

段氏李鍾璠妻年十六歸璠生子澐鍾璠歿彌月次
子淵始生氏年二十矢志靡他奉翁姑嘗言欲使
夫無地下恨子稍長翁姑繼逝家雖壁立塋祭悉
盡禮訓二子挑燈課讀十餘年淵遊庠諸孫克紹
祖志守節四十三年嘉慶二十四年撫憲韓題

旌

姚氏石廷襄妻年十四歸襄時翁姑先歿祖姑在堂

氏與襄事之備得歡心祖姑歿葬祭盡禮二十六
歲襄歿遺子三女二次子永年遊泮餘畢婚嫁道
光六年撫憲嵩題

旌

孫氏庠生顧維慧妻禮部郎中孫錄長女也通書史
嫻禮義待字時生母病割股療之母病獲愈年十
七歸慧越六月慧隨父舉東任逾三載始歸染顛
狂疾刀斧提弄舉室倉皇送氏歸母家茲禁慧翁
姑慮誤氏青年令改適氏聞泣曰烈女豈事二夫
哉吾夫尙存設不幸生顧家婦死顧家鬼耳翁姑

知志不可奪益送慧就母家市田養之五年慧病
稍瘥生三女慧病復作仍苦禁翁姑復申前議氏
志彌堅續觀音大士像晨昏虔奉之終日扃戶親
隣罕見其面未幾慧沒氏痛不欲生因翁姑在堂
二女無依勉進食撫三伯之子煥章續夫嗣時氏
年三十歲夏公德芳爲作淑女傳嗣翁姑先後棄
世氏哀禮兼盡父母歿氏亦如之今氏年七十餘
矣道光六年巡撫嵩題

旌子煥章山行伍官凱里營外委僉以爲節孝之報云

李氏庠生王郅繼妻年十八適郅生子女各二郅歿

氏年二十九姑老病湯藥飲食氏獨力任之洎病篤默禱上蒼願以身代尋獲痊壽九十六始卒子女並前妻之女先後婚嫁氏艱苦備嘗里黨憐之道光六年撫憲嵩題

旌

甘氏臻洞司土千總劉祚遠妻年十六歸祚遠生子榮祖甫五歲祚遠歿氏年二十二守節撫孤翁姑老多病輟轉床褥侍湯藥浣滌污垢不假手家人翁姑繼歿哀禮無少歉榮祖長婚數年亦亡遺子忠奎方六齡氏撫孤孫恩勤益篤時土職中

袁勢將爲代辦者所奪氏屢控 上憲忠奎始獲
承襲氏因子少代任事內肅家政外輯苗疆卒年
七十七道光七年撫憲嵩題

旌

張氏胡朝俊妻年十七歸俊生子女各一俊歿氏年
二十三奉七旬袁姑存歿無憾守節五十餘年道
光八年撫憲嵩題

旌

羅氏顧水妻年十五歸水生子一名宗正歲未週而
水亡氏年二十一勵志守節道光十二年撫憲嵩

題

旌

方氏黃開宇妻年十八歸宇時翁姑已歿氏孝事祖姑生子三長鶴齡方三歲次雙生龍翔龍章歲甫週而宇歿氏仰事俯育祖姑壽登百齡鶴齡龍翔相繼入武庠龍章亦成立計守節二十餘年學使許以壽慈慈竹獎之道光十二年撫憲高題

旌

劉氏余封妻年十六歸封生子登堂甫五歲封歿氏勤紡績奉姑撫子姑病七年侍湯藥不懈姑歿哀

禮兼盡守節三十九年道光十五年撫憲裕題

旌

明未旌

王氏通判孫旁繼妻河南新鄭人旁卒氏年十九生女甫六月前妻一子六歲氏誓不再嫁撫育子女旁仕未久家計蕭條氏食貧茹苦破屋三間恬然安之卒年七十

孫氏庠生王壁妻壁卒氏年二十四子鑣甫四歲氏耐守苦節性寬和言笑不苟教子成名應泰昌選貢

馮氏庠生李大倫妻年二十四倫隨父玉山任長沙
經歷不歸繼姑兩目失明氏侍姑值年荒世亂困
苦流離廿餘年益無怨悔姑卒呼號欲絕乞營葬
終守鄉人至今憐之

楊氏庠生趙仁妻仁早歿氏年二十二遺子景南三
歲氏守節教子卒領歲薦撫按屢加旌獎

楊氏通判孫應鵬妻年二十七鵬卒誓死守節長齋
供佛卽至戚罕見其面晚年家益落一婢自隨饘
粥不繼卒年七十七副使沈思充旌之

國朝

系下長回

節婦

八